

10. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að nota einungis fána með réttum litum og hlutföllum.

222

24. nóv.

11. gr.

Árlega skal athuga húseignina alla vandlega með viðgerð fyrir augum. Einkum skal athuga: múrhúðun, þak, þakrennur, niðurföll, hurðir og dyraumbúnaði, glugga utan og innan, málningu, gólfduka, klæðningu veggja, hreinlætistæki, eldavél og hitunartæki, raflagnir og ljósatæki o. s. frv.

12. gr.

Skemmdir á húseign, áhöldum og húsbúnaði umfram eðlilegt slit, skulu þeir bæta er spjöllum valda.

13. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

14. gr.

Reglur þessar, sem settar eru með skírskotun til 8. gr. laga nr. 77 5. júní 1947, um félagsheimili, öðlast gildi, þegar menntamálaráðuneytið hefur staðfest þær.

Framanritaðar reglur staðfestast hér með.

Í menntamálaráðuneytinu, 24. nóvember 1961.

F. h. r.

Birgir Thorlacius.

Knútur Hallsson.

REGLUGERÐ

fyrir Héraðssundlauginu að Laugaskarði í Hveragerði.

223

27. nóv.

1. gr.

Eigandi laugarinnar eru hreppsfélag Hveragerðis og Ölfushreppa.

2. gr.

Sundlaugin skal rekin sem sjálfseignarstofnun undir nafninu Héraðssundlaugin að Laugaskarði í Hveragerði.

3. gr.

Rekstur eignarinnar er í höndum 3 manna sundlaugarnefndar. Skal hún þannig kosin: Einn fulltrúi kosinn af hreppsnefnd Hveragerðis, annar af hreppsnefnd Ölfushrepps og hinn þriðji af Ungmennfélagi Ölfusinga.

Starfstími nefndarmanna er jafn kjörtímabili hreppsnefndar.

Nefndin skal skipta með sér verkum. Skal hún halda gerðabók um störf sín og starfrækslu laugarinnar.

223

4. gr.

27. nóv.

Nefndin ber ábyrgð á rekstri laugarinnar af hálfu hreppsnefnda Hveragerðis- og Ölfushreppa. Samþykktir nefndarinnar skulu lagðar fyrir hreppsnefndirnar. Nefndin skal árlega gera fjárhagsáætlun um rekstur laugarinnar og skal hún lögð fyrir hreppsnefndarfund til samþykktar.

Afrit af ársreikningum skal senda til íþróttanefndar ríkisins og stjórnar Ungmennafélags Ölfusínga.

Enn fremur er hlutverk sundlaugarnefndar þetta:

- a. Niðurröðun á sundtímum og baðtímum og gerð tillagna um afnotagjöld.
- b. Útlán sundlaugarinnar til sýninga og keppni.
- c. Ráðning starfsmanna við daglegan rekstur laugarinnar og setning erindisbréfa fyrir þá.
- d. Ákvarðanir um viðhald eignarinnar og áhaldakaup.
- e. Tillögur um viðbótarbyggingar og eftirlit með þeim.

5. gr.

Sundlaugina má aðeins leigja til sundiðkana, baða, sundsýninga og keppni.

Félagar Ungmennafélags Ölfusínga og íþróttafélaga í Hveragerðis- og Ölfushreppum skulu hafa forgangsrétt að hagkvæmum æfingatímum, sem geta numið samtals einni klukkustund á dag.

6. gr.

Ræsting og viðhald laugarinnar skal vera samkvæmt fyrirmælum í reglugerðum um notkun sundstaða.

Forstöðumaður sundlaugarinnar skal annast daglegt eftirlit með notkun hennar.

7. gr.

Reikningsár sundlaugarinnar er almanaksárið. Verði ágóði af rekstri hennar, skal honum óskiptum varið til nauðsynlegra áhaldakaupa, svo og til viðhalds á eigninni og endurbóta.

Sundlaugarnefnd skal annast kaup á áhöldum og er stofnunin eigandi þeirra allra.

Reglugerð þessi er sett samkvæmt 10. gr. íþróttalaga nr. 49 frá 7. apríl 1956 og öðlast þegar gildi. Jafnframt er felld úr gildi reglugerð nr. 117 frá 1. júlí 1947.

Í menntamálaráðuneytinu, 27. nóvember 1961.

F. h. r.

Birgir Thorlacius.

Knútur Hallsson.